

RI XTA KOYOPA'

RUSAMAJIB'AL TIJONEL

RUCHOLB'AL WUJ

Tz'ib'anel: María Alicia Telón
B'anöy Wachib'äl: Margarita Ramírez

Universidad Rafael Landívar
Instituto de Lingüística / PRODIPMA
Guatemala, 1992



RI XTA KOYOPA'

RUSAMAJIB'AL TIJONEL

RUCHOLB'AL WUJ

Tz'ib'anel: María Alicia Telón

B'anöy Wachib'äl: Margarita Ramírez

Universidad Rafael Landívar
Instituto de Lingüística / PRODIPMA
Guatemala, 1992

Colección:	Materiales Educativos No. 22
Serie:	Kaqchikel, Área de lenguaje, No. 6
Directora de la Colección:	Guillermina Herrera
Editor:	Ernesto Loukota Soler
Autora:	Maria Alicia Telón
Ilustraciones:	Désirée Iturbide
Diagramador:	Carlos Rafael Figueroa
Correctores de estilo:	Martín Chacach
	Rolando Chacach

© Universidad Rafael Landívar

RUTZIJOB'AL WUJ

Re wuj re' rub'ini'an RUSAMAJIB'AL RI TIJONEL roma xtik'atzin chi re ri tijonel richin xtusamajij ri wuj rub'ini'an RI XTA KOYOPA', tz'ib'an kichin ri ak'wala' julajuj, kab'lajuj kijuna'. Chupan ri wuj RI XTA KOYOPA' e k'o ojer taq tzijonik kitzijon kan qati't qamama', ojer taq tzij yekitzijoj qate' qatata'; re RUSAMAJIB'AL RI TIJONEL re' xa jun tob'äl richin yetz'et, yesik'ix, yek'ut, ye'etamäx, yesamajix re tzij re'. Richin jeb'el yetijöx ri ak'wala' chi re ri rusik'ixik wuj, chi re ri chöj taq b'anob'äl pa kik'aslen.

Chupan re wuj RUSAMAJIB'AL RI TIJONEL xtikil ri tijonela' achike rub'anikil xtikik'wa'j ri jujun tzijonik achike rub'anikil xkekitijoj ri ak'wala'. Yalan K'atzinel chi ri ak'wal nikikot ta taq nib'erila' ri ramaj richin nutz'et nusik'ij ri ruwuj: jeb'el tutz'eta' pa ruyonil, jeb'el tusik'ij chi kiwäch ri rachib'il, jeb'el tiq'ax chi ruwäch ri ruwuj, tusolo' rij ri jujun k'ayewal yeril, tutzijoj janipe' ri yek'oje' kan pa ruwi' pa rujolom, kerukusaj ri k'ayew taq ch'ab'äl yeretamaj, tuk'ama' runa'oj chi kij ri utziläj taq tzij, kan kerub'ana' ri utziläj taq tzij yeretamaj.


Re RUSAMAJIB'AL RI TIJONEL ruk'wa'n ri RURAYB'ÄL TIJONIK, RI RUB'EYAL TIJONIK, RI RETAL ETAMANIK, chuqa' ruk'wa'n pa ko'öl ri ruwachib'äl ri ruxaq wuj akuchi' k'o wi ri tzijonik k'atzinel chi nisamajix; tz'ib'an chuqa' chi ri' ri rajlab'al ruxaq wuj akuchi' nilitäj wi ri tzijonik.

Ütz ta ri' xtik'atzin ta chi re ri tijonel re jun wuj re', richin ri ak'wal xtikikot ta chi rij ronojel ri xtik'ut chi ruwäch, man ta xtumestaj xtumalij ri qach'ab'äl ri qak'aslen roj kaqchikeli' winaqi', xtub'än ta pa ruk'aslen ronojel ri utziläj taq b'anob'äl.

Nimaläj matyox chi re ri Ruk'u'x Kaj ri Ruk'u'x Ruwach'ulew roma yojruto' rik'in ri samaj. Janila matyox chi re ri q'atb'äl tzij richin ri tinamit Holanda, janila matyox chi ke ri nimaläj molaj taq tinamit kib'ini'an Naciones Unidas, koma rije' xsamajix re wuj re'.

RURAYB'ÄL TIJONĪK

Tiretamaj ri ak'wal
achike nik'atzin
wi Rij ri Wuj.



RIJ RI WUJ

RETAL ETAMANĪK

Jeb'el retaman ri
ak'wal achike
nik'atzin wi Rij ri
Wuj

RUK'WAXIK RI TIJONĪK

Tab'ij rat tijonel chi ke ri ak'wala' chi tikinik'oj Rij
ri Wuj. Nab'ey tikitz'eta' ri ruwäch k'a ri' tikitz'eta' ri
chi rij.

Ke'ato' chi rub'ixik achike e k'o chi ruwäch ri wuj
wi rije' man kan ta yetik'r nikib'ij ronojel:

Jun che'

Jun jay (achoch, ka'aj)

Jun ka'i' taq q'ayis

Jun ka'i' taq ab'äj

Jun juyu' (kaqajay)

Jun b'ey

E k'o tzib'.

Tasolo' chi kiwäch achike nikib'ij ri tz'ib'. RI XTA
KOYOPA', ja ri' rub'i' ri wuj. Juan Yool Gómez, ja
ri' rub'i' ri qawinaq xtz'ib'an re wuj re.

Désirée Iturbide, ja ri' rub'i' ri xtän xnuk'un re wuj,
chuqa' xerub'an ri achib'äl. Ri Universidad Rafael
Landívar, ri Instituto de Lingüística, ja ri' nimaläj
tijob'äl jay akuchi' xsamajix wi re wuj.

Tak'utuj chi ke ri ak'wala' achike nik'atzin wi Rij ri
Wuj, ke'awak'axaj, tatz'aqatisaj ri kitziy wi k'atzinel.

Rij ri wuj nik'atzin richin chi:

Niqetamaj achike rub'i' ri wuj.

Achike winäq xtz'ib'an.

Achike winäq xnuk'un ri samaj.

Achike winäq xb'anun ri achib'äl.

Akuchi' xsamajix wi ri wuj.

Tak'utuj chi ke achike rub'i' ri wuj, achike ruq'ajarik
rub'i' ri wuj; ke'ato' wi man yetik'r ta nikitziy ri
atzij. Tab'ij chike chi qonojel k'o qab'i', tab'ij ri ab'i'
rat chi ke, k'a ri' tikib'ij kib'i' chi kijujunal rije'; ke
re' tab'ij rat chuqa' rije':

Yin nub'i' ...

Ri xta koyopa', ja ri' rub'i' ri wuj,

*RI XTA KOYOPA', ja ri' rub'i' jun xtän
ojer kan.*

Tak'utuj chi ke achike nikib'ij rije' chi nikil chupan
re wuj, tatz'aqatisaj ri kitziy wi k'atzinel.

E k'o tzijonik pa qach'ab'äl.

E k'o ojer taq tzij pa qach'ab'äl.

E k'o ch'ab'äl pa qach'ab'äl.

E k'o tzij pa qach'ab'äl.

Ronojel k'o pa qach'ab'äl.

Tak'utuj, ¿achike e k'o chi rij re wuj?

Jun che'

Jun ka'i' q'ayis

Jun ka'i' ab'äj.

Tab'ij chi ke chi man tikimestaj achike nik'atzin wi
nanik'oj Rij jun Wuj. Jun ka'i' ak'wala' tikikamluj
achike nik'atzin wi, takamuluj chuqa' rat chi kiwäch
richin tik'oje' kan pa kiwi', pa kijolom.

RURAYB'ÄL TIJONĪK

Tiretamaj ri ak'wal
achike nik'atzin
wi ri nab'ey
ruxaq wuj.

Ri xta Koyopa'

Textos: Juan Yool Gómez
Ilustraciones: Désirée Iturbide

Universidad Rafael Landívar
Instituto de Lingüística
Guatemala, 1991

RETAL ETAMANĪK

Jeb'el xretamaj ri
ak'wal achike
nik'atzin wi ri
nab'ey ruxaq
wuj.

RUXAQ WUJ:

• (1)

RUB'EYAL TIJONĪK

Tab'ij chi ke ri ak'wala' chi tikijaqa' ri kiwuj pa
nab'ey ruxaq, tasik'ij ka'i' mul chi kiwäch ronojel ri
nub'ij chi ruwäch ri ruxaq wuj. K'a ri' tikisik'ij chi
konojel rije' pa jun b'ey ronojel ri tz'ib'.

Tikisik'ij ka'i' mul xa xe ri tzij e k'o pa qach'abäl.
K'a ri' tikisik'ij ka'i' mul ri tzij e k'o pa kaxlan
ch'ab'äl.

Tab'ana' re jun ka'i' k'utun'ik re' chi ke:

¿Achike rub'i' re wuj re'?

RI XTA KOYOPA' rub'i' re wuj re'.

¿Achike ne'el chi tzij rub'i' re wuj re'?

**Rub'i' jun xtän ojer kan re rub'i' re wuj
re'.**

¿Achike qawinaq xtz'ib'an re wuj re'?

**Jun achin rub'ini'an Juan Yool Gómez ri
qawinaq xtz'ib'an re wuj re'.**

¿Achike winäq xb'anun ri achib'äl?

**Jun xtän rub'ini'an Désirée Iturbide
xb'anun ri achib'äl.**

¿Akuchi' xsamajix wi re wuj re'?

**Pan Instituto de Lingüística richin ri
nimaläj tijob'äl jay rub'ini'an Universidad
Rafael Landívar xsamajix wi re wuj re'.**

¿Achike nimaläj tinamit xb'an wi re wuj re'?

**Pa nimaläj tinamit Guatemala xb'an wi re
wuj re'.**

¿Achike juna' xb'an re wuj re'?

Chupan ri juna' 1,991 xb'an re wuj re'.

Tikijunumaj re nab'ey ruxaq wuj rik'in ri Rij wuj.
Tikinik'oj achike ri junan nub'ij, achike ri man junan
ta. Tikitz'eta' chi xa xe ri ruk'isib'äl cholaj tzij man
k'o ta chi ruwäch Rij ri Wuj:

Ri nimaläj tinamit Guatemala akuchi' xb'an wi re wuj re'.

Ri juna' 1,991 taq xb'anatäj re wuj re'.

Tak'utuj chi ke achike nik'atzin wi ri nab'ey ruxaq wuj. Ke'ato' wi man yetik'r nikitzolij ri atzij.

Ri nab'ey ruxaq wuj nik'atzin richin chi niqetamaj:

Rub'i' ri wuj.

Achike rub'i' ri winäq xtz'ib'an ri wuj.

Achike rub'i' ri winäq xb'anun ri achib'äl chupan ri wuj.

Achike rub'i' ri jay xsamajl'x wi ri wuj.

Achike rub'i' ri tinamit xb'an wi ri wuj.

Achike juna' xb'an ri wuj.

Chi kijujunal tikitz'ib'aj rub'i' ri wuj chi ruwach ri tz'alem tz'ib'ab'äl.

RI XTA KOYOPA'

RURAYB'ÄL TIJONĪK

Tiretamaj ri ak'wal
achike nik'atzin
wi ri ruka'n ruxaq
wuj.



RETAL ETAMANĪK

Jeb'el xretamaj ri
ak'wal achike
nik'atzin wi ri
ruka'n ruxaq wuj.

RUXAQ WUJ

•• (2)

RUB'EYAL TIJONĪK

Tab'ij chi ke ri ak'wala' chi tikijaqa' ri kiwuj pa
ruka'n ruxaq, tasik'ij ka'i' b'ey chi kiwäch ronojel ri
nub'ij chi ruwäch ri ruxaq wuj. K'a ri' tikisik'ij chi
konojel rije' pa jun b'ey ronojel ri tz'ib', ützu chuqa'
tikisik'ij chi kijujunal wi nikajo'.

Tasolo' chi kiwäch ronojel ri nub'ij chi ruwäch re
ruxaq wuj re':

Nab'ey mul xelesäx re wuj re': pa juna'
1,990

Ruka'n mul xelesäx re wuj re': pa juna'
1,991

Molaj wuj: Rub'ini'an, ojer taq tzij richin
Guatemala, b'eleje' rajlab'al.

Tanaj wuj: kaqchikel, oxi' rajlab'al. Rox
tjonik.

Ri k'amöl b'ey pa ruwi' ri samaj: Ya
Guillermina Herrera Peña

Ri uk'wayon rucholajen ri samaj: Ma Moris
Polanco, B.

Ri xmolon ri samaj: Ma Juan Yool Gómez.

Ri xnik'on xchojmirisan ri tz'ib': Ma Martín
Chacach Cutzal.

Ri xnuk'un ri samaj, xb'anun ri achib'äl: Xta
Désirée Iturbide.

Ri juna' xb'an ri samaj: pa 1,991, pa nimaläj
tijob'äl jay Universidad Rafael Landívar,
pa nimaläj tinamit Guatemala.

Tak'utuj chi ke chi kijujunal achike nik'atzin wi ri
ruka'n ruxaq wuj. Tab'ana' jujun k'utunik chi rij ri
xasöl chi kiwäch.

Chi kijujunal tikitz'ib'aj rub'i' ri Molaj Wuj chi ruwäch
ri tz'alem tz'ib'ab'äl:

"Ojer taq tzij richin Guatemala".

K'a ri', rat tijonel, tatz'ib'aj chi ruwäch jun nim
 ruxaq wuj ri rub'i' ri Molaj Wuj, chuqa' ke ri' tab'ana'
 chi re rub'i' ri wuj. Ke'ab'ajij ke'aq'olij chi ruwäch
 jun xan pa tijob'al jay akuchi' ye'atijoj ri ak'wala':

"RI XTA KOYOPA' "

"OJER TAQ TZIJ RICHIN GUATEMALA"

RURAYB'ÄL TIJONĪK

Tiretamaj ri ak'wal
achike e tz'ib'an
chupan re wuj
chuqa' achike
yek'atzin wi.

Rat ak'wal, rat xtān, rat ala':

Rik'in ronojel qakikoten niqaya' re xti wuj re' pan
aq'a'.

Re xti wuj re' nutzijoj k'iy xtaq kitzij kan ri qat'it
qamama' ri yalan e jeb'el ok; roma k'a ri' niqajo' chl
rat chuqa' nawetamaj ta.

Tasik'ij chi jujun re xtaq tzij re'. xa yalan na wi
xkakikot xtawetamaj; ja k'a taq xtawetamaj niqajo' chl
tatzijoj kik'in ri xtaq awachb'il, kik'in ri ate' atata' xa ke'
ri' k'a chuqa' ri je' yalan xkakikot xtkinataj ri kitzij ri qat'it
qamama'.

Ronojel re xtaq tzij re'. jun chl ke ri sipanik kiya'on
kan ri qate' qatata', roma k'a ri' man niqajo' ta
niqamestaj, xa ruk'amun chl niqasamajij chuqa'
niqanimirsaj ruk'ojlen.

Rik'in rusik'ixik re xtaq tzij re' nawetamaj chl ri
q'ach'ab'äl man k'ayew ta rutz'ib'axik, xa roma k'a ri'
k'atzinel chl rat xke'atz'ib'aj xtaq tzij, xke'atz'ib'aj ta
ronojel ri nolax pan awänima, ronojel ri anojb'al ke ri
niqaya' ruq'ij, chuqa' rukusaxik ri qach'ab'äl.

Taq rat xtawetamaj xtasik'ij ruwäch wuj chuqa'
xtawetamaj xkatz'ib'an, qonojel xkojkikot awik'in.

Ja ta ri Ajaw xtuspaj ri aroyb'äl.

RETAL ETAMANĪK

Jeb'el xretamaj ri
ak'wal achike e
tzib'an chupan re
wuj chuqa' achike
yek'atzin wi.

RUXAQ WUJ:

... (3)

RUB'EYAL TIJONĪK

Tasik'ij ka'i' mul chi kiwäch ri ak'wala' ronojel ri
tzij tz'ib'an chi ruwäch ri rox ruxaq wuj, ri je' xa xe
tikak'axaj.

Tab'ij chi ke chi tikijaja' ri kiwuj pa oxi' rajlab'al
ruxaq wuj, tasik'ij ka'i' chl mul chi kiwäch, jeb'el
tikak'axaj ri je' chuqa' tikitz'eta' chl ruwäch ri kiwuj
ronojel ri nasik'ij apo chi kiwäch.

Tab'ana' jun ka'i' k'utunik chi rij ri xasik'ij apo chi
kiwäch, tikikanuj akuchi' tz'ib'an wi ri tzij richin
nikitzolij ri k'utunik. Tikib'ana' chl re kitz'ib'ab'al jun
jux chl kixe' re tzij re'.

¿Achike nutzijoj re xti wuj re'?

K'iy xtaq tzij kitzijon kan ri qati't qamama'.

¿Achike niqajo' taq xtawetamaj ri kitzij ri
qati't qamama'?

**Chi xtiqatzijoj chl ke ri xtaq qachib'il, chl
ke ri qate' qatata'.**

¿Achike ruk'amon chl niqab'an chl ke ri
kitzij ri qati't qamama'?

**Chi niqasamajij chuqa' niqanimirsaj
ruk'ojlen.**

¿Achike nawetamaj rik'in rusik'ixik re xtaq
tzij re'?

**Chi ri qach'ab'äl man k'ayew ta
rutz'ib'axik.**

¿Achike xtak'ulwachij taq rat xtawetamaj
xtasik'ij ruwäch wuj?

Chuqa' xtinwetamaj xkitz'ib'an.

K'a ri' tab'ana' re jun ka'i' chl k'utunik re' chl ke:

¿Achike nab'ij rat chl xetz'ib'an re jun ka'i'
tzij re'?

Ri winaqi' xesamajin re wuj re'.

¿Achike ch'ab'äl kikusan richin rutz'ib'axik
re tzij re'?

Ja ri kaqchikel ch'ab'äl.

¿Niqa' chi awäch rat re wuj tz'ib'an pa
kaqchikel ch'ab'äl? ¿Achike roma?

...

RURAYB'ÄL TIJONÏK

Tirak'axaj ri ak'wal
ri tzij nisik'ix chi
ruwäch, jeb'el
tutz'eta' ruwa
wuj.



RUXAQ WUJ

.... / — (4 - 5)

RUB'EYAL TIJONÏK

Tatzijoj chi ke ri ak'wala' chi chi la' Chi Xot e k'o
ka'i' mama' taq juyu' kib'ini'an: jun Xekupilaj, jun
Sarima'; chi la' Pan Q'an k'o ri nimaläj juyu'
rub'ini'an, Jun Ajpub', chi la' pa kulew aj Iximche'
che Pa Su'm k'o ri Saqtz'ikinel Juyu'.

Tak'utuj chi ke wi ketaman kib'i' jujun juyu' e k'o pa
kitinamit. Tatz'ib'aj kib'i' jujun juyu' xtikib'ij ri
ak'wala' chi ruwäch jun nim ruxaq wuj, k'a ri' taq'olij
chi ruwäch jun xan pa tijob'äl jay akuchi' ye'atijoj
wi ri ak'wala'. Tikisik'ij konojel ri ak'wala', ronojel
ri xatz'ib'aj chi ruwäch ri ruxaq wuj; ke re' rub'i'
taya':

—Ri juyu' e k'o pa qatinamit—

Tab'ij chi ke ri ak'wala' chi tikijaqa' ri kiwuj pa kaji'
rajlab'al ruxaq wuj; tasik'ij chi kiwäch ka'i' mul ronojel ri
tzij, rije' xa xe tikak'axaj chuqa' tikitiz'eta' ri ruwa wuj.

Pa rox mul eqal eqal tasik'ij ri wuj; rije' tikib'ana' jun jux
chi kixe' ri jujun ch'ab'äl man nib'e'apon ta pa kiwi', man
niq'ax ta chi kiwäch.

Chi kijujunal tikib'ij chi awe chi jujun ri ch'ab'äl man
xq'ax ta chi kiwäch, rat ke'atz'ib'aj chi ruwäch ri tz'alem
tz'ib'ab'äl; konojel kekisik'ij re jun ka'i' ch'ab'äl re'.

RETAL ETAMANÏK

Jeb'el nirak'axaj ri
ak'wal ri tzij
nisik'ix chi
ruwäch, jeb'el
nutz'et ruwa wuj.

Tikijaqa' ri kiwuj pa oxlajuj rukak'al rajlab'al ruxaq wuj
richin kekikanuj ri ch'ab'äl man xq'ax ta chi kiwäch, tab'ij
chi ke achike rukusaxik ri RUSOLB'AL K'AYEW TAQ
TZIJ. Wi man yekil ta chi ri', ke'asolo' rat chi kiwäch.

Ka'i' ak'wala' tikitizijoj ri xkak'axaj xasik'ij, ri xkitz'et chi
ruwäch ri wuj. Tatzijoj chuqa' rat.

Tikijaqa' ri kiwuj pa kaji' k'a pa wo'o rajlab'al ruxaq wuj;
tikitiz'eta' ri achib'äl e k'o chi ruwäch, tikib'ij ri kib'i'.
Ke'ato' wi k'atzinel.

**Ri rub'i' ri tzijonik: RI SAQTZ'IKINEL
JUYU'.**

Ronojel ri tz'ib' ruk'wa'n ri tzijonik.

E k'o:

winaqi'
chikopi'
che'
jay

tiko'n
b'ey
sutz'
juyu'

Tikaq'omaj ri achib'äl, tikikamuluj kib'i' ri jujun
raq'omal xtiqiya'.

RURAYB'ÄL TIJONĪK

Tirak'axaj ri nisik'ix
chi ruwäch, jeb'el
tutz'eta' ruwa
wuj.

RI Q'ANAPWÄQ XOK AQ'A'L

Jun b'ey kan, jun achin chupan ri tinamit Pa Su'm
yalan nurayij ri b'eyomäl, roma rija' yalan yalan xti
meb'a' ok. Manäq rächoch, manäq k'iy rulew, e k'o
k'a k'iy räik'wa'ij jun k'an ok xti rulew k'o chupan ri
juyu' nib'ix pa Mix'a'i Ab'äij chi re.

Ronojel q'ij niq'ax pa jun xti b'ey iatz' iatz'.
Chuchi' k'a ri b'ey ri, re meb'a' achin re' xti jun
b'aja'y jua'a ok q'atäij pa pan ulew, rija' xub'ij pa
ranima: "Wakamin xinak b'eyom, wakamin k'a ri
xtinläq' wulew: k'a ri xtinb'an wachoch, k'a ri
xtinläq' nutzyaq'.

Ri achin eqal eqal xuchöp ruk'otik ri b'aja'y
muqut. Taq xel pa ri b'aja'y pan ulew, xpa pa
ruq'a': taq xutz'et xa ruyan oq'a'i najnäk chupan. Ri
q'anapwäq xa xok aq'a'i.

Ke re' xuk'ulwachij re achin re'. Rama yalan k'iy
xraja' xuläq' chi re ri b'eyomäl, xa man ja ni' ri ri ta.
Ri winaq' xikib'ij chi xa xok aq'a'i ri q'anapwäq, roma
man richin ta rija', chuqa roma man xub'an ta ri
matyoxinik.

XX'IS



RUXAQ WUJ:

— / — (6 - 7)

RUB'EYAL TIJONĪK

Tatzijoj chi ke ri ak'wala' chi ri ulew akuchi' yojtiko'n
wi jalajöj taq kib'i':

Pa Xan
Pa K'im
Tzanjuyu'
Chuwa Jay K'im
Pa Tz'ite'
Tasb'alaj
Pa Chäj ...

Tak'utuj chi ke wi rije' ketaman kib'i' jujun ulew
akuchi' yetiko'n wi kite' kitata'. Tatz'ib'aj kib'i' ri jujun
ulew xtikib'ij ri ak'wala' chi ruwäch jun nim ruxaq
wuj, taq'olij chi ruwäch jun xan pa tijob'äl jay akuchi'
ye'atijoj wi ri ak'wala'. Tikisik'ij konojel ri xatz'ib'aj
chi ruwäch ri ruxaq wuj.

Tab'ij chi ke ri ak'wala' chi tikijaqa' ri kiwuj pa
waqi' rajlab'al ruxaq wuj; tasik'ij chi kiwäch ka'i mul
ronojel ri tzij, rije' xa xe tikak'axaj tikitz'eta' ri ruwa
wuj.

Pa rox mul eqal eqal tasik'ij ri wuj, rije' tikib'ana'
jun jux chi kixe' ri jujun ch'ab'äl man nib'e'apon ta
pa kiwi', man niq'ax ta chi kiwäch.

Chi kijujunal tikib'ij chi awe chi jujun ri ch'ab'äl ri

man xq'ax ta chi kiwäch, rat ke'atz'ib'aj chi ruwäch
ri tz'alem tz'ib'ab'äl; konojel kekisik'ij re jun ka'i
ch'ab'äl re'.

Tikijaqa' ri kiwuj pan oxlajuj rukak'al rajlab'al ruxaq
wuj richin kekikanuj ri ch'ab'äl man xq'ax ta chi
kiwäch, tab'ij chi ke achike rukusaxik ri RUSOLB'AL
K'AYEW TAQ TZIJ. Wi man yek'il ta chi ri',
ke'asolo' rat chi kiwäch.

Ka'i ak'wala' tikitzijoj ri xkak'axaj xasik'ij, ri xkitz'et
chi ruwäch ri wuj. Tatzijoj chuqa' rat.

Tikijaqa' ri kiwuj pa waqi', pa wuqu' rajlab'al ruxaq
wuj; tikitz'eta' ri achib'äl e k'o chi ruwäch, tikib'ij
kib'i' ri janipe e k'o. Ke'ato' wi k'atzinel.

**Ri rub'i' ri tzijonik: RI Q'ANAPWÄQ XOK
AQ'A'L.**

**Ronojel ri tz'ib' ruk'wa'n ri tzijonik.
E k'o:**

*yalan k'iy q'ayis
jun ka'i' ab'äj
jujun xtaq kotz'i'ij*

*ka'i' umül
jun kumätz
jun nim che'
jun b'ey
jun achin
jun b'oyo'y
jun jay
jun wex
jun kamixa'*


Tak'utuj chi ke achike chi ke ri achib'äl e k'o pa rachoch. Ke'ato' wi man yetikür ta nikitziolij ri atzij.

Tak'utuj chi ke wi k'o jun tziyonik kak'axan kik'in kati't kimama', kite' kitata' achi'el ta jub'a' ri xasik'ij chi ruwäch ri wuj. Ke'atz'ib'aj ri tziyonik xtikib'ij.

Tikaq'omaj ri achib'äl, tikikamuluj kib'i' ri jujun raq'omal xtekiya'.

RURAYB'ÄL TIJONĪK

Jeb'el tiq'ax chi
ruwäch ri ak'wal
ri nusik'ij chi
ruwäch wuj,
kerub'ana'
k'utunĭk pa
ruchojmilal.



RUXAQ WUJ

.../... (8 - 9)

RUB'EYAL TIJONĪK

Tab'ij chi ke ri ak'wala' chi tikib'ana' kiwachib'äl re
jujun ch'ab'äl re' chi ruwäch jun ruxaq wuj.

Jun ixöq
Jun tzuy
Jun b'ey
Jun tinamit
Jun achin
Jun tz'i'

Tikiya' kib'i' ri jujun achib'äl chi kixe', kekiqupij,
kekiyaka' chupan jun k'ojlib'äl richin xkekikusaj taq
xkek'atzin chi ke.

Ke'atz'ib'aj chi ruwäch ri tz'alem tz'ib'ab'äl re jujun
ch'ab'äl re', achi'el rub'anun wawe'. Kekisik'ij ri
ak'wala', tikiya' ketal ri junan jub'a' achoq chi rij
yech'o'n wi, ri junan jub'a' Kiq'ajarik, ri nikik'wa'j
jub'a' ki'.

xtän
alab'oni'
qati't
q'ij
b'ey

aq'a'
ulew
ixoqi'
achi'a'
qamama'

Winaqi'

RETAL ETAMANĪK

Jeb'el xb'e'apon
pa ruwi' ri
ak'wal ri xusik'ij,
jeb'el xerub'än
k'utunĭk pa
ruchojmilal.

Tikijaqa' ri ak'wala' pa waqxaqi' k'a pa b'eleje' rajlab'al
ruxaq wuj, tikib'ij achike rub'i' ri tzijonĭk tz'ib'an chi
ri: "RI XTÄN NIB'YAJ CHUPAN JUN TZUY".

Tikib'ij achike achib'äl yekitz'et:

Wo'o' tzuy

Oxi' rik'in nik'aj k'olok'ik

Tak'utu' chi kiwäch ri ak'wala' achike rub'anikil naya'
rajlab'al jujun molaj ch'ab'äl pa jun tzijonĭk richin
chi nawelesaj jun k'utunĭk chupan jujun molaj.

Molaj

Jun b'ey kan... ri ruch'akul.

Molaj

Pa taq... taq b'ey.

Molaj

Ri xtän... chik tinamit.

Molaj

konojel ri... nich'arär.



Molaj —
Ri achi'a' ri ruk'aslen.

Molaj —
Ja re' taq aq'a'.

Tasik'ij chi kijujunal ri jujun molaj chi kiwäch, tikikamuluj rije', tikib'ana' jun k'utunik chi kij ri jujun molaj. Ke'ato' wi k'atzinel.

Molaj • ¿Achike ruk'amon pe ri jun xtän pa ralaxik?
Chi nok chupan jun tzuy.

Molaj •• ¿Achike nikib'än ri tz'i' taq nel el ri xtän pa b'ey nusutij ri tinamü?
Yeb'a'on chi rij pa taq b'ey.

Molaj ••• ¿Achike nuya' retal ri xtän taq nok el chupan ri tzuy?
Yab'il, q'axomal, silonel.

Molaj •••• ¿Achike roma ri winaqi' nikib'ini'aj Ch'arkät?
Roma taq niq'ax, nik'o pa taq b'ey nich'arär.

Molaj — ¿Achike roma e k'o winaqi' e cha'on pe richin nikib'än re samaj re'?
Richin chi ri tinamüt tub'ana' pa ruchojmilal chi re ri ruk'aslen.

Molaj — ¿Achike roma kitzijon kan qati't qamama' re tzijonik re'?
Richin man yeb'yaj yalan näj aq'a ri alab'oni', achi'a', ixoqi'.

Wi e k'o jun ka'i' ch'ab'al ri man yeq'ax ta chi kiwäch ütztikikanuj ruq'ajarik chupan ri RUSOLB'AL K'AYEW TAQ TZIJ, chupan ri oxlajuj rukak'al rajlab'al ruxaq wuj.

Tikitzijoj ri ak'wala' jujun tzijonik achi'el jub'a' re', tatz'ib'aj ri yekitzijoj.

RURAYB'ÄL TIJONÏK

Jeb'el tiq'ax chi
ruwäch ri ak'wal
ri nusik'ij chi
ruwäch wuj,
kerutzolij k'utunîk
pa ruchojmil.

RI ACHIN ITZEL RUK'U'X

Jun b'ey kan, jun achin yalan rurayb'äl chi ri ri
b'eyomäl. Rija' retaman akuchi' nirewaj wi ri' jun
kumätz ri nuxa' q'anapwäq, saqipwäq, taq niq'itäl.

Re rayinel b'eyomäl achin, xub'ij chi re jun chik ti
achin ti nakanik jub'a', chi tib'e chi ri. Ke re' xub'ij
chi re'.

-Rat, jo' chwij! Yin nuz'eton jun jöl akuchi' k'o
jun kumätz. Wi re kumätz re' xuxa' ri q'anapwäq,
saqipwäq, ninyo' nik'aj chawe -xcha' ri rayinel achin.

-Ütz k'a -xcha' ri ti nakanik achin.

Tiqaq'ij chi re ri jun chik q'ij xeb'e chuchi' ri jöl, ri
rayinel b'eyomäl achin ke re' xub'ij chi re ri ti nakanik
achin.

-Rat kak'aje' qa pa xulan chi re ri jöl, richin
nachöp ri kumätz taq xel pe; ja k'a yin yik'aje' el pa
jotöl, richin ninjāq ruchi' ri kumätz -xcha'.

-Ütz k'a -xcha' ri ti nakanik achin.

Taq xesjel ok chuchi' ri jöl, xeb'e el pe ri kumätz,
chöl xuk'äq ri' chi ri ri rayinel achin, ri k'o el pa jotöl;
xuk'äl ri' chi ri ruchi'akul, k'a ri' xub'iruj pan ulaw,
xukamäl.

Taq xkas ri kumätz, xuchöp xax'aj: xuxa'
q'anapwäq, saqipwäq. Re b'eyomäl re', xrichinaj
ri ti nakanik achin, ri utzilāj rānima.

Richin nigetomaj jun utzilāj na'oj, k'otānēl
nigetomaj kipka' ri qate' qatata'.



RUXAQ WUJ
≡ / ≡ (10 - 11)

RUB'EYAL TIJONÏK.

Tikib'ana' ri ak'wala' kiwachib'äl re ka'i' ch'ab'äl re'
chi ruwäch jun ruxaq wuj:

achin
kumätz

Tikiya' kib'i' ri jujun achib'äl chi kixe', kekiqupij,
kekiyaka' chupan jun k'ojlib'äl richin xkekikusaj taq
xkek'atzin chi ke.

Ke'atz'ib'aj chi ruwäch ri tz'alem tz'ib'ab'äl re jujun
ch'ab'äl re', achi'el rub'anun wawe'. Kekisik'ij ri
ak'wala', tikiya' ketal ri junan jub'a' achoq chi rij
yech'o'n wi, ri junan jub'a' kiq'ajarik, ri nikik'wa'j
jub'a' ki'.

achin	
kumätz	pa jotöl
q'anapwäq	pixa'
rayinel achin	qate' qatata'
tiqaq'ij	q'ij
pa xulan	nakanik achin
utzilāj na'oj	saqipwäq
walk'wa'l	jöl

b'eyomäl

RETAL ETAMANÏK

Jeb'el xb'e'apon
pa ruwi' ri ak'wal
ri xusik'ij, jeb'el
xerutzolij k'utunîk
pa ruchojmil.

Tikijaqa' ri ak'wala' pa laluj k'a pa julajuj rajlab'al
ruxaq wuj, tikib'ij achike rub'i' ri tzijonik tz'ib'an chi
ri'; RI ACHIN ITZEL RUK'U'X.

Tikib'ij achike achib'äl yekitz'et:

ka'i' achi'a'
oxi' chikopi'
jun jöl
yalan k'iy xtaq q'ayis

Janipe' ri ch'ab'äl man xq'ax ta chi kiwäch, ützt
kekikanuj chupan ri RUSOLB'AL K'AYEW TAQ
TZIJ; wi man e k'o ta chi ri' ke'asolo' rat chi kiwäch.

Tasik'ij chi kiwäch ri ak'wala' ka'i' b'ey ronojel ri
tzijonik. Kaji' chi ke rije' tikisik'ij chi kijujunal. K'a
ri' tab'ana' re jujun k'utunîk re' chi ke.

Kaji' chi rij ri tz'ib'an chupan ri wuj:

¿Achike roma xb'e ri xti nakanik achin chi
rij ri rayinel achin?
Roma xub'ij chi re chi xtuya' nik'aj ri
b'eyomäl chi re.



¿Achike xub'än ri kumätz taq xel pe chupan
ri jül?

*Xuk'äq ri' chi rij ri rayinel achin,
xukamisaj.*

¿Achike chi ke ri ka'i' achi'a' xrichinaj kan
ri b'eyomäl?

Ri xti nakanik achin.

¿Achike roma ri rayinel achin man xrichinaj
ta kan ri b'eyomäl?

Roma itzel ruk'u'x

Jun ka'i' tzij chi rij kina'oj ri ak'wala':

¿Kan qitzij k'a k'o rutojb'alil ri itzel qak'u'x?

Ri ak'wal nub'ij...

¿Achike ri ützt taq na'oj k'atzinel chi yeqab'än
chi ke ri winaqi'?

Ri ak'wal nub'ij...

¿Janipe' taq ri qate' qatata' nikiya' ri kipixa'
chi qe?

Ri ak'wal nub'ij...

¿Achike roma k'atzinel chi niqaya' ruq'ij ri
kipixa' qate' qatata'?

Ri ak'wal nub'ij...

Tikitizijoj kaji' ak'wala' janipe' ri xk'oje' kan pa kiwi',
pa kijolom chi rij ri tzijonik xasik'ij chi kiwäch, xasöl
chi kiwäch. Tatz'aqatisaj ri kitzij wi k'atzinel.

Kekaq'omaj konojel ri achib'äl e k'o chi ruwäch ri
wuj, tikikamluj kib'i' ri jujun raq'omal xtiqiya'.

RURAYB'ÄL TIJONİK

Tiretamaj ri
ak'wal niril ri
ruxe'el ri tzijonik,
tiretamaj nuk'an
runa'oj chi rij ri
tzijonik.

JUK'ULAJ WINAQI' RI XKIL RUB'EYAL RI K'ASLEN

Jün k'ulaj k'ulanik taq winaqi' ri b'enaqik niktib'an
oyowal pa kachoch. Xapon jun q'il xetzi'on chi
kiwäch, richin niktikanoj ta jun rub'anikil, richin man ta
niktib'an oyowal. Ri izjayonel xpe jun utzilöj na'oj pa
rujalon richin re ruk'ayewal re'; xub'il chi re ri rachikil:

-Taq jun chi qe ri oj ka'i' royowal. k'atzinel
niqaya' jun retal.

-Ütz k'a -xcha' ri achin.

-Wi rat awayowal pe pa juyu', najech'eb'a' pe ri
apawi' pan qjoton; wi yin wayowal pa jay.
nintzab'a' re nulantar.

-Ütz k'a -xcha'.

Xqa chi kiwäch ri na'oj, kan ke ri' xkib'an.

Xapon ri nab'ey q'il man jun ruk'ayewal ta, ke ri'
xkib'an apon.

Jün q'il xizoln pe ri achin nujech'eb'an pe ri
rupawi'. Ri ixöq xub'il: "royowal ri wach'il, man
ninhöq ta", xcha'. Yalon xeruto' richin man xkib'an
ta oyowal.

Jün chik q'il, ri achin xizoln pe pa juyu' niktat
petenöq taq xüqa pa jay, xutz'el ri rijayil rutzolab'an
ri nulantar; ri achin xub'il pa ränima: "chi royowal ri
ixöq", man xch'o'n ta apon chi re. Yalon ütz xub'an
man xkib'an ta oyowal.

Xapon jun q'il, taq xizoln pe ri achin pa juyu'
nujech'eb'an pe ri rupawi', taq xüqa pa jay, chuqa' ri
ixöq rutzolab'an ri nulantar. Taq xkiz'u' ki': xkichöp
tze'en, pa ruk'exel jun nimolaj oyowal.

XK'IS

12

RETAL ETAMANİK

Xr'il ri ak'wal
ruxe'el ri tzijonik,
xretamaj xuk'an
runa'oj chi rij ri
tzijonik.

RUXAQ WUJ ≡ / ≡ (12 - 13)

RUB'EYAL TIJONİK

Ke'aq'olij, ke'atzob'ajij chi kiwäch taq xan jujun ruxaq
wuj akuchi' atz'ib'an wi re jujun ch'ab'al re':

winaqi'
k'aslen
oyowal
retal
juyu'
jay
nulantar
nupo't
apawi'
awuq
apas
ruxoq'öp
ruxajab'
qachoch

Konojel ri xkesach yeq'ax chi kijujunal richin
nikisik'ij kaji' ch'ab'al, k'a ri' yeb'ech'oke', yeb'etz'uye'.
Ri man xkesach ta tikisik'ij ka'i' ch'ab'al.

Tikijaja' ri kiwuj pa kab'lajuj rajlab'al ruxaq wuj,
jeb'el tikitz'eta' ri ixöq, tikib'ij kib'i' chi jujun ri
rutzyaq e rukusan, kib'i' ronojel ri e rukusan. Ke'ato'
wi k'atzinel:

ruxoq'öp
rupo't
ruq
rupas
rulantar
ruxajab'

Tak'utuj chi ke achike ri man ja' ta rukusaxik
rub'anun chi re, achike roma ke ri' rub'anun chi re.
Xa xe ke'awak'axaj.

Ke'asik'ij apo chi kiwäch re jujun ch'ab'al re', tak'utu'
rik'in aq'a' akuchi' k'o wi ri wuj nasik'ij, taxolo'
kisik'ixik.

Chanin ke'asik'ij chi kijujunal ri ch'ab'al, rije' xa xe
kekik'utu' rik'in kiq'a' ri wuj ye'asik'ij. Ri ak'wal
xtisach man nuk'üt ta chik, nib'epa'e' chi kij konojel
ri rachib'il.

Tasik'ij ka'i' mul ri tzijonik chi kiwäch, ri rub'ini'an':
JUK'ULAJ WINAQI' RI XKIL RUB'EYAL RI
K'ASLEN. Rije' xa xe tikak'axaj. K'a ri' tab'ana' re
jujun K'utunik re' chi ke:

¿Achike nub'an ri achin taq royowal pe pa
juyu'?



¿Achike nub'än ri ixöq taq royowal pa jay?
¿Ütz xub'än ri kik'aslen re winaqi' re', achike
roma?

¿Achike xtiqab'än röj chi qajujunal richin
man ta xtik'oje' janipe' oyowal pa qachoch?
¿Achike xtiqab'än röj chi qajujunal richin
man ta xtik'oje' janipe' oyowal pa qatijob'äl
jay?

Jeb'el lawak'axaj ri kinojib'al ri ak'wala', tatz'ib'aj
ronojel ri xtikib'ij chi ruwäch jun nim ruxaq wuj,
taq'olij ri ruxaq wuj chi ruwäch jun xan, wo'o' q'ij
tikisik'ij q'ij q'ij re'. Taq nipe royowal jun ak'wal,

rija' chuqa' konojel ri rachib'il tikisik'ij ri kitzij tz'ib'an
kan.


Wi e k'o ak'wala' nikajo' nikisik'ij ri tzijonik xasik'ij
chi kiwäch' ri k'o chupan ri kiwuj; tikisik'ij.

Wi e k'o jujun ch'ab'äl ri man yeq'ax ta chi kiwäch,
man yeb'e'apon ta pa kiwi'; kekikanuj chupan ri
RUSOLB'AL K'AYEW TAQ TZIJ. Wi man e k'o ta
chi ri', ke'asolo' rat chi kiwäch.

Tikiya' raq'omal ri achib'äl e k'o chi ruwäch ri kiwuj;
tikikamuluj kib'i' ri jujun achib'äl yekaq'omaj, rat
yab'in apo chi ke achike achib'äl ri yekaq'omaj qa.

RURAYB'ÄL TIJONİK

Tuk'ama' runa'oj
ri ak'wal chi rij
jun tzijonik.
Tinaq'atsatäj ri
ak'wal chi re ri
samaj, ri nimäy
tzij, ri to'onik, ri
ajowab'äl.
Tiq'ax chi
ruwäch ri nusik'ij



RUXAQ WUJ

≡ / ≡ (14 - 15)

RUB'EYAL TIJONİK

Tikijaqa' ri ak'wala' pa kajlajuj rajlab'al ruxaq wuj, tikib'ij
ronojel ri nikitz'et chi ruwäch ri ruxaq wuj, ke'ato' chi
rub'ixik:

Rub'i' ri pach'un tzij: "Ri ti samajel sanik";
kab'lajuj sanik;
jun xti juyu'.

Tasik'ij ka'i' mul ri tzijonik chi kiwäch ri ak'wala', wi e k'o
jujun ch'ab'äl ri man ketaman ta ruq'ajarik kekikanuj
chupan ri kisolb'al k'ayew taq tzij; wi man e k'o ta chi ri'
kekik'utuj chi ke kati't kimama', chi ke kite' kitata'.

Chi kijujujal ri ak'wala' tikisik'ij jujun molaj ch'ab'äl, k'a
ri' tab'ij re jujun k'utunik re' chi ke:

—¿Janipe' taq öj mitij röj?

—*Taq jukumaj, taq k'a loman yojyakatäj; taq
niqapararej ri qasamaj, taq ...*

—¿Janipe' taq niqajo' qi' röj?

—*Taq ...*

—¿Janipe' taq öj nimäy tzij röj?

—*Taq niqab'än ri nikib'ij qate' qatata', ri
qanimal, ri qatijonel; taq ...*

—¿Janipe' taq yalan yojkikot röj?

—*Taq nisipäx jun qamunil, taq ...*

Wi e k'o ak'wala' nikajo' nikisik'ij ronojel ri tzijonik,
tikib'ana'.

—Tab'ij chi ke chi achi'el nikib'än ri sanik nikito' ki' chi
rij jun samaj, ke ri' tikib'ana' rije'. Tacha' jun kisamaj
richin konojel nikib'än pa tijob'äl.

—Kekikanuj ri ch'ab'äl e k'o chupan ronojel ri tz'ib',
kekizib'aj chi kijujujal.

RETAL ETAMANİK

Xuk'än runa'oj ri
ak'wal chi rij ri
tzijonik. Kan
samajel ri ak'wal,
niman tzij, jeb'el
nito'on, qitzij
yerajo' ri rachib'il.
Niq'ax chi ruwäch
ri nusik'ij.

-Xropin chi rij ri -Ri nimachiköp man
nimachiköp. xutz'et ta ri ti mes.

-Man nuya' ta ri' -Ri b'alam man jun
chi ruwäch. xtikir xub'än.

-Xuchöp pa ruqül -Nuräq' ruchi'

-Ri rujorjor xuchöp -Xtzaq pan ulew.

-Xutzeqeb'a' ri'. -Xel ronojel rukik'el

-Nurätz ri rujorjor -K'arunaj xkom.

Tikib'ij ri ak'wala', achike chik jujun rub'i' ri b'alam
niya'ox chupan re tziyonik

***K'uxunel
nimachiköp***

Tab'ij chi ke chi ri MES, ri B'ALAM ja ri' ri yeb'ix
kib'i' yalan k'iy mul roma rije' ri yalan k'iy ruwäch
samaj xkib'än. Wi man ke ri' ta chi kiwäch rije',
ke'awak'axaj, taya' ruq'ij ri kitzi.

Tab'ij re jujun k'utunik re' chi ke:

¿Ütz k'a niqachöp qi' chi qawäch röj winaqi'
achi'el xkichöp ki' re ka'i' chikopi' re'.

Ri ak'wal nub'ij...

¿Ütz xub'än ri xti mes? ¿achike roma ützt?
¿achike roma man ützt ta?

Ri ak'wal nub'ij...

¿Ütz niqapab'a' qi' chi ruwäch jun nim
k'ayewal achi'el xub'än ri xti mes?

Ri ak'wal nub'ij...

¿Ütz niqakusaj ri qana'oj richin niqaköl qi'
chi ruwäch jun nim k'ayewal?

Ri ak'wal nub'ij...

Tatz'ib'aj ronojel ri xtikib'ij ri ak'wala', chi ruwäch
jun nim wuj taq'olij chi ruwa xan.

¿Achike je' k'ayewal
yeqil pa qak'aslen?

¿Achike k'atzinel
yeqab'än richin
niqaköl qi' chi
kiwäch re jujun
k'ayewal re'?

RURAYB'ÄL TIJONĪK

Tiretamaj ri
ak'wal achike ri
qitzij, achike ri
man qitzij ta
tz'ib'an kan
chupan re
tzijonik. Tiretamaj
nutz'et ri ruwäch
wuj pa ruyonil.

TAQ RI CHOYB'ÄL ULEW XESAMÄJ PA KIYONIL

Ojer kan xek'aje' ka'i' alab'oni' ri yalan niga chi
kwäch ri itzaj awän. Re alab'oni' re', ronojel q'ij,
nimaq'a' yan yeb'e pa samaj. K'a jun q'ij xib'ij che
ri kite', ri kiti' chi man ötz ta yeb'e'apon pan awän,
roma xajan. Ri kiti' rik'in ri kite' xitnimaj ri xib'ij ri
alab'oni' chi ke.

Ronojel q'ij nimaq'a' yan ye'el ei chi kachoch.
Ta q'ij yeb'e'apon pa juyu', nikiya' kan ri kasaron pan
awän. Xa se k'a nikiya' kan chi ke achike samaj ri
k'a chi nikiya' ri jun q'ij ri'. Taq ri asaron nikiya'a'
ri samaj, ri alab'oni' yeb'e pa konunil.

Ronojel q'ij taq yetzalin ei chi kachoch, kiti'wala'n
ei k'iy chikopi' richin rikil kway. Ke re' nikiya'
chupan ri kiti'asien ronojel q'ij.

Xapon jun nimaq'a', ri kite' xub'ij chi ke chi nikiya'
pa juyu' chuya'ik kway. Ri'e' xib'ij chi re:

-Man itikre' ta yotapon chupan ri qasamaj, roma
xa xajan.

-Ötz k'a wal-xcha' ri te'el.

Jun chik q'ij ri alab'oni' xeb'e pa samaj, achi'el
nikiya' ronojel q'ij. Xikiya' kan ri kasaron, k'a ri xeb'e
pa taq q'ayle richin xeb'e'apon. Ri jun q'ij ri', ri kite'
xub'än ri kway, xutele' ei pa chikach k'a ri' xib'e pa
juyu'. Taq xapon pan awän, xerayaj ri alab'oni', ma
jun xch'a'n pa. Xeb'enikanuj pa taq awän; taq
xutz'et, xia kiyonil ri asaron xesamaj. Taq ri asaron
xitiz'et ri ixöq, xetzaq pan ulew, man xesamaj ta chik.

Taq xetzalin pa ri alab'oni' pa konunil, xekitz'et ri
kasaron e tzaqnäq pan ulew. Ri'e' xib'ij:

16

RUXAQ WUJ

≡ / ≡ (16 - 17)

RUB'EYAL TIJONĪK

Tikitz'ib'aj kib'i' chi ruwäch jun ruxaq wuj rik'in nim
tz'ib', jun rusamajib'al kitata', jun rusamajib'al kite',
jun kisamajib'al rije'; xa jun achike na ri xtikajo'.
Ke'ak'utu' ronojel ri ruxaq wuj chi kiwäch, kekisik'ij
chi kijujunal ri ch'ab'al xekitz'ib'aj. Ke'ayaka' ri ruxaq
wuj chupan jun pim wuj.

Tikijaqa' ri kiwuj pa waqlajuj k'a pa wuqlajuj kajlab'al
ruxaq wuj; tikib'ij achike achib'al yekitz'et:

*Jun ixöq
oxi' awän
ka'i' asaron (ka'i' choyb'äl ulew.)*

Tikitz'eta' pa kiyonil ri ruwäch wuj, ronojel ri tzijonik
rub'ini'an: "TAQ RI CHOYB'ÄL ULEW XESAMÄJ
PA KIYONIL". Taya' wolajuj ch'i taq ramaj chi ke
richin nikitz'et ronojel ri tzijonik.

Taya' jun ruxaq wuj chi ke richin nikisamajij, achi'el
re jun re'; re k'o wawe'.

Ak'wal: Tatz'eta' na ronojel re wuj, k'a ri' nachöp qa rusamajixik.

Ak'wal: Tatz'ib'aj pa ruwi' ri jux ri ch'ab'äl nanojij. Wi qitzij nub'ij ri tzij tatz'ib'aj qa JA', wi man qitzij ta nub'ij ri tzij tatz'ib'aj qa NI. Tatz'ib'aj achi'el nub'ij ri wuj, man ja' ta ri achike nab'ij rat.

- Xajan yab'e pa awän. _____
- Ri alab'oni' yeb'e pa kanunik _____
- Ri te'ej xb'eruya' wäy pa juyu' _____
- Ri te'ej xutz'et chi kiyonil ri asaron yesamäj _____
- Ri asaron man xesamäj ta chik taq xetz'etetäj _____
- Ri achi'a' xkitikirb'a' ri samaj rik'in kuchuq'a' _____
- Ri samajib'äl, ri che', ri ab'äj, ri ulew, ri chikopi', ri kotz'ij yech'o'n yetzu'un wi. _____
- Xk'is ronojel re utzil re' roma röj man xojtzijon ta chik kik'in ri nab'ey taq qate' qatata'. _____

Ak'wal: Tatz'ib'aj achike nanojij rat chi rij re tzijonik re', qitzij ri nub'ij, xa man qitzij ta:

RURAYB'ÄL TIJONİK

Tiretamaj ri ak'wal
achike ri qitzij,
achike ri man
qitzij ta tz'ib'an
qa chupan re
tzijonik. Tiretamaj
nutz'et ri ruwäch
wuj pa ruyonil.



RETAL ETAMANİK

Xr'il ri ak'wal achike
ri qitzij achike ri
man qitzij ta
tz'ib'an kan
chupan re tzijonik
re'. Retaman
nutz'et ri wuj pa
ruyonil.

RUXAQ WUJ

☰/☉ (18 - 20)

RUB'EYAL TIJONİK

Tikijaqa' ri kiwuj pa waqxaqlajuj, b'elejlajuj k'a pa
juk'al kajlab'al ruxaq wuj, tikitz'eta' tikisik'ij rub'i' ri
tzijonik. Tikinuku' tikiqoqa' ahoq chi rij xtib'ech'o'n
wi re tzijonik re', ke'awak'axaj jujun ak'wala'.

Kekinik'oj ri oxi' ruxaq wuj, tikib'ij janipe' ri yekitz'et
chi kiwäch, tikib'ij ri rajlab'al ri ruxaq wuj chuqa'
tikitz'ib'aj ri rajlab'al akuchi' ruk'amon nikitz'ib'aj wi:

Pa ☰ (waqxaqlajuj) ruxaq wuj e k'o:

xtaq q'ayis
xtaq ab'äj
jun nim sutz'
koyopa' richin ri koqolajay.

pa ☰ (b'elejlajuj) ruxaq wuj e k'o:

jun ka'aj (mo'k, jay, achoch)
jun che'

• jun b'ey

jun nim sutz'

koyopa' richin ri koqolajay

Pa ☉ juk'al ruxaq wuj e k'o:
oxi' b'oyo'y.

Xa jun b'ey tikitz'eta', ri ruwäch wuj, tikisik'ij ri
tzijonik pa kiyonil, kekikanuj chupan ri RUSOLB'AL
K'AYEW TAQ TZIJ konojel ri ch'ab'al man
ketaman ta kiq'ajarik; wi man e k'o ta chi ri', ke'asolo'
rat chi kiwäch. K'a ri' tikisik'ij jun b'ey chik ri tzijonik
pa kiyonil richin yetikir nikisamajij jun ruxaq wuj
achi'el re jun k'o wawe'.

Ak'wal: Tatz'eta' na ronojel re wuj, k'a ri' nachöp qa rusamajixik.


Ak'wal: Tatz'ib'aj pa ruwi' ri jux ri ch'ab'al nanojij. Wi qitzij nub'ij ri tzij tatz'i b'aj qa JA', wi man qitzij ta nub'ij ri tzij tatz'ib'aj qa NI. Tatz'ib'aj achi'el nub'ij ri wuj, man ja' ta ri achike nab'ij rat.

- Ri tikonel xutzeqelb'ej el ri achin qasäy jöb'. _____
- Taq xapon chi kaj xukiraj ri' ri jun k'olaj sutz', xpe koqolajay, kan ja' ri' xpe ri jöb'. _____
- Taq xik'o ri jöb', xtzolin chik jun b'ey ri sutz' chupan ri xti mo'k xsaq'ijin el ... _____
- Chupan ri mo'k, ri achin xeb'erila' pe nima'q taq b'oyo'y, e loman, e koköj, e yalan koköj. _____
- Chi kipan ri b'oyo'y e k'o jalajöj taq ruwäch jöb: chöj jöb', saqb'och jöb', kaq'iq' jöb', ruq'eqal jöb'. _____
- Ri achin xujäq ruwi' ri nim b'oyo'y taq xpe jun nimaläj ruq'eqal jöb'. _____
- Ri achin choj xroyoj ri sutz' richin xumöl pe ri', richin xok chupan ri nim b'oyo'y _____
- Ja ri rajawal jöb' ja ri' niya'on pe ri samaj richin naqasaj jöb'. _____

Ak'wal: Tatz'ib'aj achike nanojij, achike nanük rat chi rij re tzijonik re'; qitzij ri nub'ij, xa man qitzij ta:

RURAYB'ÄL TIJONİK

Tiretamaj ri ak'wal
achike rub'anikil
nib'ek'is jun
tzijonik, tuk'isa'
rija' jun tzijonik.
Tiretamaj tuya'
jun na'oj, jun
pixa'.



RUXAQ WUJ

· / · (21 - 23)

RETAL ETAMANİK

Xtikir ri ak'wal
xub'ij xutz'ib'aj ri
ruk'isib'äl taq tzij
richin re jun
tzijonik re'. Xtikir
xuya' jun na'oj,
jun pixa'.

RUB'EYAL TIJONİK

Tak'utuj chi ke ri ak'wala' wi nikinataj chi k'o jun
tzijonik xch'o'n chi rij jun b'alam, achike xtzijöx chi
rij ri b'alam. Ke'awak'axaj chi kijujunal janipe' ri
nikajo' yech'o'n chi kiwäch konojel ri kachib'il, kow
kech'o'n, chöj tikib'ana' chi re ri kitizij.

nikitz'ib'aj, ke re' tikib'ana' chi re:

21
22
23

Tasik'ij ka'i' b'ey, ka'i' mul chi kiwäch ri tzijonik
rub'ini'an: RI ALAB'O' XEK'ASB'AN RI B'ALAM.
Jun b'ey yalan egal, jun b'ey aninäq, chanin jub'a'.
Man ronojel ta ri tzijonik nasik'ij chi kiwäch, xa xe
yab'e'apon kan akuchi' nub'ij wi re tzij re'.

"...Taq ri etamanel xuya' ruk'aslen ri b'alam, jun tzok'
xuya' ke la', xpich'an!, xuwayuj ronojel ri k'echelaj".

Tab'ij chi ke chi k'atzinel chi rije' yek'ison re tzijonik,
tikinojij chuqa' tikitz'ib'aj achike kami xub'an ri
b'alam, achike kami xkib'an ri alab'oni'. Tikisik'ij chi
kiwäch konojel ri kachib'il janipe' ri xkitz'ib'aj. Tab'ij
chi ke chi ronojel ri xkitz'ib'aj yalan üt richin
natikirsaj jun tz'ib'anik.

Chi kijujunal tikitz'ib'aj achike nojib'äl nikib'an chi
rij re jun tzijonik re', achike kina'oj nikik'en kan chi
rij. K'a ri' tikisik'ij chi kiwäch konojel ri kachib'il.

Tikikanuj chupan ri kiwuj akuchi' k'o wi ri tzijonik
rub'ini'an: RI ALAB'O' XEK'ASB'AN RI B'ALAM.
Tikitz'ib'aj ri rajlab'al ruxaq wuj akuchi' ruk'amon wi

Tikisik'ij ri ka'i' ruk'isib'äl molaj taq ch'ab'äl e k'o
chupan ri Ka'i' rukak'al rajlab'al ruxaq wuj, yetikir
akuchi' nub'ij wi: "Taq ri etamanel xuya' ruk'aslen ri
b'alam...", k'a akuchi' nib'ek'is wi ronojel ri tzijonik.
Tikib'ij wi junan jub'a' ri xkinojij rik'in ri xkitz'ib'aj
rije'.

Tib'ekitzijoj pa taq kachoch chi ke kite' kitata', kichaq'
kinimal, juläy chik kach'alal janipe' ri xketamaj chi
rij re tzijonik re'; pa ruka'n q'ij tikitzijoj pa tijob'äl
jay achike xkib'ij ri kach'alal.

Tikib'ana' jujun k'utunik chi awe rat chi rij ri janipe'
xkib'ij ri kach'alal. Rat chuqa' tab'ana' jujun k'utunik
chi ke rije'.

Tikinik'oj janipe' ri achib'äl e k'o chi kiwäch ri oxi'
ruxaq wuj akuchi' tz'ib'an wi ri tzijonik, tikib'ij
tikitz'ib'aj kib'i' janipe' ri achib'äl yekitz'et. Ri man
ketaman ta kib'i', tikik'utuj pa taq kachoch ri kib'i';
pa ruka'n q'ij tikito' ki' richin niketamaj kib'i' konojel
ri achib'äl, tikib'ij chi kiwäch ronojel ri xketamaj pe
pa kachoch.

RURAYB'ÄL TIJONÏK

Tiretamaj ri ak'wal
achike rub'anikil
nib'ek'is jun
tzijonik, tuk'isa'
rija' jun tzijonik.
Tiretamaj tuya'
jun na'oj, jun
pixa'.



RUXAQ WUJ

.... / ... (24 - 27)

RETAL ETAMANÏK

Xtikir ri ak'wal
xub'ij xutz'ib'aj ri
ruk'isib'al taq tzij
richin re jun
tzijonik re'. Xtikir
xuya' jun na'oj,
jun pixa'.

RUB'EYAL TIJONÏK

Tak'utuj chi ke ri ak'wala' wi nikinataj chi k'o jun
tzijonik xch'o'n chi rij ri koyopa', chi taq niqatz'et ri
koyopa' xa xe taq k'o koqolajay; achike rub'i ri
tzijonik ri xch'o'n chi rij ri job', ri koqolajay, ri
koyopa', ri jalajoj kiwach ri b'ojoy. Ke'awak'axaj
konojel ri ak'wala' nikajo' yech'o'n, kow kech'o'n,
jeb'el tikib'ana' chi re ri kitzij. Tiketamaj chi chupan
re tzijonik re' xa rub'i jun ixoj ri Koyopa'.

Tasik'ij ka'i mul chi kiwach ri tzijonik k'o pa kaji'
rukak'al, wo'o' rukak'al, waqi' rukak'al, wuqu' rukak'al
rajlab'al ruxaq wuj, rub'ini'an: TAQ RI XTA
KOYOPA' XB'E PA KIRUWACH'ULEW RI QATIT'
QAMAMA'. Jun b'ey yalan eqal, jun mul aninaq,
chanin jub'a'. Ronojel ri tzijonik tasik'ij chi kiwach,
xa xe man nab'ij ta chi ke, chi chi ri' xk'is wi.

Tab'ij chi ke chi k'atzinel chi rije' yek'ison re tzijonik,
tikinojij chuqa' tikitz'ib'aj achike kami xub'an ri xta
Koyopa' rik'in ri b'eyomäl, achike kami xkib'an ri
rute' rutata'. Tikisik'ij chi kiwach ri kachib'il janipe'
ri xkitz'ib'aj. Tab'ij chi ke chi ronojel ri xkitz'ib'aj
yalan ützt roma rije' xenojin.

Chi kijujunal tikitz'ib'aj achike kina'oj nikik'en kan
chi rij re tzijonik re'. K'a ri' tikisik'ij chi kiwach ri
kachib'il.

Tikijaqa' ri kiwuj pa wo'o' rukak'al rajlab'al ruxaq
wuj, tikitz'eta' chi kaji' ruxaq wuj richin re tzijonik
re', kekiya' kajlab'al akuchi' ruk'amon wi yekitz'ib'aj;
ke re' tikib'ana' chi re:

24
25
26
27


Tikitz'eta' chupan ri kiwuj chi qitzij rije' xenojin ri
ruk'isib'al taq tzij, chi ruwach ri wuj xa man jun k'o.

Tikinik'oj janipe' ri achib'al e k'o chi kiwach ri kaji'
ruxaq wuj akuchi' tz'ib'an wi ri tzijonik, tikib'ij
tikitz'ib'aj kib'i' janipe' ri achib'al yekitz'et. Ri man
ketaman ta kib'i' tikik'utuj pa taq kachoch; pa ruka'n
q'ij tikito' ki' richin niketamaj kib'i' konojel ri achib'al,
tikib'ij chi kiwach ronojel ri xketamaj pe pa kachoch.

Tab'ana' jujun k'utunik chi ke chi rij ronojel ri
tzijonik. Wi nikirayij tikisik'ij ri ruwach wuj chi
kiwach ri kachib'il.

RURAYB'ÄL TIJONÏK

Tiretamaj ri ak'wal
nunük' ri rutzij,
chuqa' tiretamaj
nunük jun tzijonik.



RUXAQ WUJ

... / ... (28 - 32)

RUB'EYAL TIJONÏK

Tikitzijoj ri ak'wala' achike xkachik'aj ri jun aq'a' xq'ax kan, wi man jun xkachik'aj tikitzijoj achike xkik'ulwachij pa b'ey taq e petenäq pa tijob'äl. Ke'awak'axaj, ke'ato' chi runuk'uxik ri kitzij. Achike ri achik' yalan xqa chi kiwäch tikitz'ib'aj.

Tikijaqa' ri kiwuj pa waqxaqi' rukak'al rajlab'al ruxaq wuj k'a pa kab'lajuj rukak'al ruxaq wuj, tikitz'eta' ronojel ri achib'äl e k'o chi kiwäch, chi kij ri achib'äl tikib'ij achoq chi rij kami xtib'ech'o'n wi re tzijonik re'.

Tikisik'ij pa jujun molaj ch'ab'äl, chi rij ri jujun molaj tikitz'ib'aj jun k'utunük; wi man pa ruchojmil ta kib'anun chi re, ke'ato' richin jeb'el yek'oje' kan ri k'utunük.

Ke'axolo' kitz'ib'axik re jujun tzij re' richin ri ak'wala' yekinük' achi'el nub'ij ri tzijonik, achi'el rub'ey ri samaj.

Nab'äy molaj. Rusamajixik ri tikoj ixim.

Nijosq'ix ri ulew
Nib'an ri josoj
Nib'an ri jika'n
Nib'an ri ch'olaj
Nib'an ri ch'opaj

Nib'an ri juquj
Nib'eq ri ija'tz
Nib'an ri awex
Nib'an ri nab'ey chenoj
Nib'an ri rukamul chenoj
Nib'an ri roxmül chenoj.

Ruka'n molaj. Achike nub'ij ri tzijonik

Jun k'ajol ala' nikikot xub'an ri rawex. K'ate' xrak'axaj chi e k'o ixoqi' yetzijon pan awän.

Ri xtani' xkib'ij ri kib'i' chi re ri ala'.

Niqajo' yojk'ule' awik'in.

Re ala' re' wachjil yin, re man iwachjil ta rix.

Ri ka'i' q'opoji' taq xtani' xa e rajawal ri ixim.

K'a ri' xuke', xb'ison ri ala'.

Ri ala' xrachik'aj jun xti ri'j ixöq.

Ri xti ri'j ixöq xch'o'n rik'in ri ala'.

Xub'ij chi re ri ala' chi man jun b'ey tuya' koq'ej re xtani' re'.

Achi'el ri xti ri'j ixōq xuya' kan runa'oj ri ala',
¿Achi'ke na'oj xuya' kan chi qe rōj? Tikib'ij tikitz'ib'aj
ronojel ri nikinük', ronojel ri nikiqoqa'.

Tikicha' ki' ri ak'wala' richin nikib'ān ruwachib'āl ri
ala', kiwachib'āl ri oxi' xtani', ri xti ri'j ixōq; achi'el
nub'ij ri' tzijonik, ke'ato' chi rub'anik.

RURAYB'ĀL TIJONĪK

Tiretamaj ri ak'wal
kicholik ri k'ayew
taq tzij.

KISOLB'AL K'AYEW TAQ TZIJ

amaq', amaq'ē. Amaq'ē nāb'ix chī re jun ruxach'udaw. Re amaq'ē
re' rub'it' Guetamala.
b'alam, b'alam, b'alam. B'alam jun nimach'ōp ach'el mas
rub'anā. Q'ōn rē nāb'ix nima'q taq selesāq q'eq e k'o chī rē.
b'amaq', jumaq'. Re tzij re' nāb'ix chī tzij ri nāb'amatāq se jata'q
romaj rukajō.
Ch'arkōl. Ch'arkōl nāb'ix chī re' jun al'b'inal ri ach'el tsuy
rub'anā. Xa nūmā nāb'ix pa taq b'ey ri chaq'a.
Jka'x. Jka'x nāb'ix chī re taq yachay k'iy che', k'o ri yepōda,
richin tka'x.
Jefar, jefar. Jefar nāb'ix chī re ri akuch' nāb'ix wi qā ruway jun
wināq, jun chikōp.
Kaj, masal. Kaj nāb'ix chī re ri masal, jun chikōp ach'el jun tzuizun
rub'anā, ri ruk'a k'o pa rukōn k'iy taq ruq'a' chī tujunā.
Kaqolajay. Ja ri' ri q'aq' nāb'ix chī kaj taq rub'an jōb'.
K'alamā. K'alamā nāb'ix chī ke ri juk'udaj yināq' e k'alamā jun tkaq
nāb'ix jun achin.
Meb'a. Meb'a nāb'ix chī re jun wināq ri manāq ruk'a' rukōlā.
chuga ri manāq ruwāq.
Mo'x. Kib'ri ri kōbōj chī taq jay e k'o pa taq wān richin nimujān,
nipōn ri tka'x.
Nūmā, nūmā. Ke re' nāb'ix chī re ri jun b'anab'el taq se nuyōn
jun wināq, jun chikōp nūmā.
Nūmāda. Nūmāda nāb'ix chī re jun wināq ri jeb'el tka'x rub'an chī
nūmāch ri ach'el nūmā.
Pa Su'm. Pa Su'm rub'it' jun tka'x ri k'o pa rukōn ri b'oko'.
Xuk'it'aj Pa Su'm rama chī ri' k'o k'iy ri kōt'it' su'm.
Pleto'x. Pleto'x nāb'ix chī re taq jun wināq nūmāb'a' nūm' k'o
nāb'ix nūmāyōj ri'.

33

RUXAQ WUJ:



33 - 34

RUB'EYAL TIJONĪK

Tikijaqa' ri kiwuj pa oxlaju'j rukak'al rajlab'al ruxaq
wuj, chī kijujunal ri ak'wala' tikisik'ij ri ruq'ajarik ri
jujun ch'ab'āl. Tak'utuj chī ke wi ketaman jun chik
kib'ixkil ri jujun ch'ab'āl ri juk'an chik je' tinamit,
wi ketaman jujun chik kiq'ajarik. Wi rat awetaman
tab'ij chī ke, tikitz'ib'aj ronojel ri k'ak'a' taq tzij, ri
k'ak'a' taq kiq'ajarik xtiketamaj chupan re ramaj re'.

Tikitz'eta' achike kicholajen b'anun chī ke konojel ri
k'ayew taq ch'ab'āl, tikitz'eta' ri nab'ey tz'ib' richin ri
jujun ch'ab'āl.

Kekikanuj chupan ronojel ri kiwuj jujun ch'ab'āl ri
k'ayew chī kiwāch rije', kekitz'ib'aj pa kicholajen
achi'el rub'anun chupan re wuj re', chuqa' kekitz'ib'aj
ri kiq'ajarik.

Wi man ketaman ta kiq'ajarik, tikik'utuj chī ke kite'
kitata' chī kachoch, pa ruka'n q'ij tikiya' chī kiwāch
konojel ri janipe' xkak'axaj pe pa kachoch k'a ri'
tikitz'ib'aj ronojel pa kiwuj.

RURAYB'ÄL TIJONÏK

Tiretamaj ri ak'wal
achike nik'atzin wi
ri Rucholajen ri
taq tzij chupan
jun wuj.

Rucholajen re taq tzij	
Ri Saqtz'ikinel Juyu'.....	4
Ri q'anapwäq xok aq'a'l.....	6
Ri xtön nib'iyaj chupan jun tzuy.....	8
Ri achin Itzel ruk'u'x.....	10
Juk'ulaj winaqi' ri xkäl rub'eyal ri k'asien.....	12
Ri mes nowinäq chwäch ri b'alam.....	14
Taq ri chayb'äl ulew xesamäj pa kiyonil.....	16
Ri achin qasäy jöb'.....	18
Ri alab'o' xek'asb'an ri b'alam.....	21
Taq ri xta koyopa' xb'e pa kiruwach'ulew ri qatl't qamama'.....	25
Ri oxl' jöl xkajo' xek'ule' rik'in jun ala'.....	28

RUXAQ WUJ

≡ (35)

RUB'EYAL TIJONÏK

Tikijaqa' ri ak'wala' pa wolajuj rukak'al rajlab'al ruxaq
wuj, tikisik'ij ronojel pa kiyonil, k'a ri' tab'ij re jujun
k'utunik re' chi ke:

¿Achike xoqa pan ijolom, pan iwi' taq
xisik'ij re jujun tzij re'?

*Ja ri jujun tzijonik xeqasik'ij chi ruwäch
ri qawuj.*

Ja ri kib'i' ri jujun tzijonik xeqasik'ij.

...

¿Achike yek'atzin wi re ajlab'äl e tz'ib'an?
*Richin niqetamaj achike ruxaq wuj k'o wi
ri tzijonik.*

*Richin chanin niqil jun tzijonik chupan ri
qawuj.*

...

RETAL ETAMANÏK

Xretamaj ri ak'wal
nukusaj ri
Rucholajen ri taq
tzij chupan re
wuj re'.

¿Achike chi ke ri tzijonik e tz'ib'an wawe',
yalan üt z xawak'axaj?

...

Tikikanuj chupan ri kiwuj ri tzijonik, yalan üt
xkak'axaj, k'a ri' kekikanuj konojel ri juläy chik.

Tikinik'oj ronojel ri kiwuj, tikitz'ib'aj janipe' ri ajlab'äl
man tz'ib'an ta, pa mayab' ajlab'äl chuqa' pa kaxlan
ajlab'äl.

Tikib'ij tikitz'ib'aj kib'i' juläy chik wuj e tz'ib'an pa
Kaqchikel ch'ab'äl.

Ke'ato chi rub'anik jun kiwuj rik'in ronojel ri kitzij
kitz'ib'an, achi'el rub'anikil re wuj re' wi nikajo'.
Tikicha' jun chik rub'anikil wi nikirayij.

RUCHOLB'AL WUJ.

Rajlab'al
ruxaq wuj.

Rutzijob'al wuj

RI XTA KOYOPA'

RUSAMAJIB'AL RI TIJONEL

Rij ri wuj
Ruxaq wuj • (1)	—
Ruxaq wuj •• (2)	—••
Ruxaq wuj ••• (3)	—•••
Ri Saqtz'ikinel Juyu'	—••
Ri q'anapwäq xok aq'a'l	—••
Ri xtän nib'yaj chupan jun tzuy	—••
Ri achin itzel ruk'u'x	—••
Juk'ulaj winaqi' ri xkil rub'eyal ri k'aslen	—••
Ri mes nowinäq chi ruwäch ri b'alam	•
Taq ri choyb'al ulew xesamäj pa kiyonil	•
Ri achin qasäy jöb'	••
Ri alab'o' xek'asb'an ri b'alam	•
Taq ri xta Koyopa' xb'e pa kiruwach'ulew ri qati't	
Qamama'	••
Ri oxi' jäl xkajo' xek'ule' rik'in jun ala'	••
Kisolb'al k'ayew taq tzij	•
Rucholajen re taq tzij	••

